


ԿԵՑՕՐԵԱՅ ԱՐԱՐ-ԻՍՐԱՅԷԼԵԱՆ ՊԱՏԵՐԱԶՄԸ

Posted on June 6, 2015 by Keghart



Category: [Opinions](#)



Մեր Դարգել Դաւիթեան, «Լուսաբաց», Թորոնթօ, 6 Յունիս 2015

Երկուշաբթի օր մը, 5 Յունիս 1967 թուականին, Իսրայէլ, իր ետին ունենալով Ամերիկան, վեցօրեայ պատերազմով մը ջախջախեց արաբական ազգայնականութեան բոլոր ամրոցները, որոնց ետին կը

կանգնէր Սովետական Միութիւնը: Եգիպտոսի Նախագահ Կամալ Ապտըլ Նասերի շուրջ

հաւաքուած ազգայնական աշխարհը Արաբիստանի, որ իր մէջ կը համախմբէր Եգիպտոսի կողքին Ալճերիան, Լիպիան, Սուտանը, Սոմալիան, Եմենը, Իրաքը, Սուրիան եւ Լիբանանը, որուն մէջ լռեցուած, զսպուած կամ բանտարկուած էին իսլամական բոլոր մոլեռանդ ուժերը եւ իրարու հետ կը գործէին գաղափարապաշտ ազգայնական քրիստոնեայ եւ իսլամ ուժերը, ուժգին հարուած ստացաւ այդ պատերազմին պատճառաւ, որմէ երբեք չվերականգնեցաւ եւ ասկէ ետք արաբական ազգայնականութիւնը տկարացաւ ու իսլամ կրօնամոլութիւնը զօրացաւ:

Մեր Դարգել Դաւիթեան, «Լուսաբաց», Թորոնթօ, 6 Յունիս 2015

Երկուշաբթի օր մը, 5 Յունիս 1967 թուականին, Իսրայէլ, իր ետին ունենալով Ամերիկան, վեցօրեայ պատերազմով մը ջախջախեց արաբական ազգայնականութեան բոլոր ամրոցները, որոնց ետին կը

կանգնէր Սովետական Միութիւնը: Եգիպտոսի Նախագահ Կամալ Ապտըլ Նասերի շուրջ

հաւաքուած ազգայնական աշխարհը Արաբիստանի, որ իր մէջ կը համախմբէր Եգիպտոսի կողքին Ալճերիան, Լիպիան, Սուտանը, Սոմալիան, Եմենը, Իրաքը, Սուրիան եւ Լիբանանը, որուն մէջ լռեցուած, զսպուած կամ բանտարկուած էին իսլամական բոլոր մոլեռանդ ուժերը եւ իրարու հետ կը գործէին գաղափարապաշտ ազգայնական քրիստոնեայ եւ իսլամ ուժերը, ուժգին հարուած ստացաւ այդ պատերազմին պատճառաւ, որմէ երբեք չվերականգնեցաւ եւ ասկէ ետք արաբական ազգայնականութիւնը տկարացաւ ու իսլամ կրօնամոլութիւնը զօրացաւ:

Նախագահ Ապտըլ Նասերով ներշնչուած եւ հրահրուած ժողովուրդները Ասիոյ եւ Ափրիկէի, որոնք գաղութատիրութեան ճիրաններուն մէջ արիւնաքամ եղած էին երկա՛ր տարիներ, անկախութիւն ստանալով միացուցած էին իրենց ձայները Նասերի ձայնին, ձեւով մը անոր տալով Ասիոյ եւ Ափրիկէի ազատատենչութեան խօսնակը դառնալու դերը: Եւ որովհետեւ Նասեր կանգնած էր Սովետական Միութեան կողքին, այդ երկիրները դարձած էին անդամներ Սովետական Միութեան «քէմփ»-ին: Նասերի պարտութեամբ եւ անկումով կարծեք ինկաւ անոր ետին կանգնողը՝ Սովետական Միութիւնը, որ արաբական ազգայնականութեան եւ Ափրիկէի ու Ասիոյ վերելքին եւ յաջողութեան պաշտպան կանգնած ըլլալու դերին մէջ կը գտնուէր: Յարաբերական իմաստով բացատրուած, կարելի է ըսել թէ Ռուս արջը Սովետ կով դարձած էր՝ կաթ տալու աշխարհի չքաւորներուն եւ անկարներուն, որպէսզի իրենց իրաւունքներուն տէր դառնալու ուժ ունենան, ի գին իր սեփական գաւակներու (ժողովուրդներու) զրկանքին ու զոլումին:

Եւ պատահական չէր նաեւ որ Յունիս 5, 1967-էն միայն չորս ամիս ետք՝ Հոկտեմբեր 9, 1967-ին, Սովետը ինկաւ անգամ մը եւս, այս անգամ Լատին Ամերիկայի մէջ, ուր Նասերը տապալող միջազգային ուժերը սպաննեցին յեղափոխականներու կուռքը՝ Էռնեսթօ Չէ Կեվարան: Ու



այդպիսով, Համաշխարհային Երկրորդ Պատերազմէն ետք Սովետական Միութեան հայրենական մեծ յաղթանակով ամրապնդուած իրաւապայքարը տկար ու անիրաւուած ազգերուն համար կարծէք ձեւով մը վերջ գտաւ Միջին Արեւելքի եւ Լատին Ամերիկայի մէջ, ուր նորաբոյս բռնատիրութիւններ Ամերիկայի օրհնութեամբ կեանք ստացան ու արգելք եղան իրենց իշխած երկիրներուն մէջ ազգային եւ ընկերային կեանքի յառաջդիմութեան:

Թէ ինչո՞ւ կը յիշուին այս բոլորը եւ ինչի՞ կը ծառայեն այսպիսի յիշատակումները:

Վեցօրեայ Յունիսեան Պատերազմը եղաւ անիծեալ այն դէպքը, որուն պատճառաւ ծնունդ առին շատ-շատերուն դժբախտութիւնները: Այդ պատերազմէն ետք յաղթող կողմերը ամէն առիթ գործածեցին խանգարելու եւ անհանգստացնելու միւս կողմին կեանքը: Շատ մը տեղեր Սովետը բարոյապէս ինկած տեսած ու անոր տկարութիւնները փորձած Արեւմուտքը սկսաւ աջ ու ձախ անգութօրէն հարուածել, եւ Նասերի անկումէն ու մահէն (1970) ետք սկսաւ նոր ծրագիրներ իրականացնել շրջանէն ներս, սկսեալ՝ Պաղեստինի Ազատագրութեան Կազմակերպութենէն, ստեղծելով Լիբանանի քաղաքացիական պատերազմը (1975-1990), որու տեւողութեան ընթացքին Միջին Արեւելքի մէջ քիչ մը ամէն տեղ աննախընթաց դէպքեր տեղի ունեցան.

Արաբական աշխարհի ազգային արժանապատուութիւնը ոտնակոխուեցաւ Անուար Սատաթի կնքած համաձայնութեամբ Իսրայելի հետ (1979). պաղեստինցիներ ջարդուեցան Պէյրութի Սապրա-Շաթիլա գաղթակայաններուն մէջ (1982) եւ անոնց զինուորական ներկայութիւնը վերջ գտաւ Լիբանանի մէջ. Իրաքի Սատտամ Հիւսէյնին ծուղակ լարուեցաւ Քուէյթի մէջ (1990) եւ հարուած-հարուածի ետեւէն՝ բոլոր արաբական ամրոցները խորտակուեցան ու անոնց ազգային արժանապատուութիւնը ոտնակոխուեցաւ, մանաւանդ վերջին հարուածովը Ճորճ Պուշի շուրջ հաւաքուած Neo-Conservative կոչեցեալ «խունթա»-ին:

Այս բոլոր հարուածներուն հետ փլաւ նաեւ Սովետական Միութիւնը (1991) եւ խախտեցաւ աշխարհի հաւասարակշռութիւնը յօգուտ բոլոր այն կողմերուն եւ ուժերուն, որոնք չեն վարանիր արիւն եւ աւեր սփռելու հոն ուր սահմաններ պէտք է խախտին, որպէսզի նոր շահաղբիւրներ բացուին: Գաղափարապաշտութիւնը, որ կը բնորոշուէր արաբական ազգային միութեան կարգախօսով, պարտուեցաւ Միջին Արեւելքի մէջ՝ տեղի տալով կրօնապաշտութեան մը, որուն սերմերը Ամերիկայի կողմէ ատենօք ցանուեցան Աֆղանիստանի մէջ, որ այսօր մարդակերպ գազաններով խռնուած՝ աւերներ կը գործէ Իսլամական Պետութիւն անուան տակ:

1967-ի վեցօրեայ պատերազմին հետեւանքով նոր գաղութատիրութիւն կը մշակուի այսօր Միջին Արեւելքի մէջ եւ հայութիւն կը պարպուի հոնկէ ու զուլում կը տիրէ ամենուրեք՝ յանուն կրօնի եւ անոր ետին կանգնող մօտաւոր ու հեռաւոր քանդիչ նպատակներու իրագործման:

